

Prosedura Attestatie de Vita (Prueba di ta na bida)

Pensioenfonds Caribisch Nederland (PCN) ta verifiká anualmente serka e beneficiarionan ku ta biba pafó di Hulanda Karibense si nan ta na bida ainda. Asina PCN ta prevení ku ta paga kompensashonnan, mientras un beneficiario a fayeré kaba i e sobrevivientenan mester paga e suma aki bèk.

- Na luna di **sèptèmber** PCN ta manda un karta i un e-mail pa e beneficiarionan konserní ku e formulario [Prueba di ta na bida](#)
- E beneficiario ta yena e formulario i ta laga un outoridat competente firma esaki:
 - un ámténar di e entidat òf polis;
 - konsulado Hulandes;
 - un notario;
 - representante di Hulanda na Kòrsou, Sint Maarten i Aruba.
- E beneficiario ta entregá e formulario mas lihé ku ta posibel na PCN, presentando un prueba di identifikashon bálido.
- **Na final di luna di novèmber i dezèmber** PCN ta yama e beneficiarionan.
- Si pa 31 di dezèmber no a entregá e prueba di ta na bida, ta para e kompensashon entrante luna di yanüari.
- Si risibí e formulario despues di 31 di dezèmber, e beneficiario ta risibí un pago atrasá di e luna(nan) ku no a risibí pago huntu ku e siguiente pago mensual.

Esaki por tin konsekuensia pa e impuesto ku mester retené. Pasobra PCN mester tene su mes na reglanan di impuesto i no tin influensia riba esaki.

Situashonnan partikular:

- Tin un grupo chikitu di penshonado ku ta risibi un kompensashon pa yu pa un yu ku no a alkansá e edat di 21 aña ainda entrante 1 di sèptèmber. E beneficiarionan aki ta risibí dos karta, unu ku e prueba di ta na bida pa nan mes i unu ku un prueba di ta na bida pa e yu.
- Tin beneficiario ku no ta risibí karta pa e prueba di ta na bida. Esakinan ta:
 - Beneficiarionan ku ta biba riba un di e islanan BES. PCN ta verifiká e partisipantenan anualmente den e fail di partisipante di Asuntunan Sivil segun nan fecha di nasementu (sekuensia).
 - Wérfanonan ku riba 1 di sèptèmber a alkansá e edat di 21 aña. Nan ta haña un karta pa entregá un deklarashon di estudio. Si e wérfano a fayesé, no por firma un deklarashon di estudio.
 - Penshonadonan ku ta risibí kompensashon pa yu pa un yu ku riba 1 di sèptèmber a alkansá e edat di 21 aña. Nan ta haña un karta pa entregá un deklarashon di estudio pa e yu. Si e yu a fayesé, no por firma un deklarashon di estudio.
 - Por sosodé ku un beneficiario òf un miembro di famia/kuidadó ta tuma kontakto ku PCN pasobra e beneficiario mes no ta kapas pa laga firma su prueba di ta na bida.
PCN ta konsehá e ora ei pa apoderá un miembro di famia/kuidadó pa pidi e prueba aki na un instansia kompetente.

Si tin mas pregunta, bo por tuma kontakto ku nos ofisina na Boneiru òf St. Eustatius. Informashonnan di kontakto bo ta haña aki [PCN Contactgegevens](#)